



Inuit Ataqatigiit Inatsisartuni

Nuuk, 31. januar 2008

Inatsisartut Suleriaasianni § 36, imm. 1 naapertorlugu Naalakkersuisunut apeqqut imaattoq matumuu-na saqqummiuppara:

- 1. Nuummi Ilulissanilu mittarfiit tallineqarnissaat periarfissinniarlugu inatsisiliornissaq sumut killissimanersoq nalunaarutigequllugu naalakkersuisut qinnuigineqarput. Inatsisissamut siunnersuut Inatsisartut 2008-mi upernaakkut ataatsimiinnissaanni suliarineqarsinnaalluni piareereersimassava? Taamaangippat suut peqqutaanersut nassuiarneqarpoq.**
- 2. Naalakkersuisut Nuummut Ilulissanullu tunngasumik aalajangigassatut ukiarmi saqqummiussaminni siunnersuutaasunit allaanerusunik, mittarfiit takissusissaannik allaanerusunik allaanerusunillu aningaasaleriaataasinnasunut tunngasunik maannakkut suliaqarpat? Taamaassappat Naalakkersuisut akissutissami teknik-ip aningaasaliinissallu tungaatigut eqqarsaatersuutit tunngavigineqartut ilanngunnissaat kissaatiginarpoq.**
 - 2a. Naalakkersuisut taamatut angallannikkut politik-imik peqquteqarlutik isumagisaqarlutillu Nuummut Ilulissanullu aalajangigassatut siunnersuummi takorluukkat piviusunngortinniarsimangippatigit illoqarfinnut marlunnut pineqartunut angallannikkut politik-ikkut anguniakkat qanoq ittut periarfissatut allatut eqqarsaatersuutigineqarnersut ilanngullugit nassuiaqqullugit Naalakkersuisut inussiarnersumik qinnuigissavakka.**
- 3. Pilersaarutit Nuummi Ilulissanilu mittarfinnut tunngasut piviusunngortinneqarsinnaassappata avataaniit aningaasalersuisinnaasunik nassaarnissaq pisariaqassasoq Naalakkersuisut ukiarmi aalajangigassatut siunnersuummi allapput. Tamanna tunngavigalugu aningaasaleeqataasinnaasunik oqaloqateqatoqarsimanersoq Naalakkersuisunit paaserusunnarpoq. Taamaappat maannakkut ilisimasat tunngavigalugit avataaninngaanniit aningaasaleeqataanissap ilimanarsinnaanera piviusorpalaartutut oqaatigineqarsinnaanersoq Naalakkersuisunit akissummi ilannguteqqullugu qinnutigissavara.**
- 4. Apeqqutit pingajuattut qanoq forretningsplan-it, avataaniit aningaasaliisoqarsinnaaneranik periarfisseeqataasinnaasut pillugit suliniuteqartoqarnersoq qanorlu maannamut angusaqartoqarsimanersoq nassuiaqqullugu Naalakkersuisut qinnuigissavakka.**
- 5. Inatsisartut aningaasanut ataatsimititaliaata tungaaniit DTU-model-imik suliniuteqarnerup piaartumik naammassineqarnissaa pingaaruteqartutut oqaatigineqarpoq. Tamanna pillugu suliaq sumut killissimanersoq Naalakkersuisunit paaserusunnassaaq.**

(Inatsisartuni ilaasortaq Esmar Bergstrøm, Inuit Ataqatigiit)

Tunngavilersuut

Ukiarmi Inatsisartut ataatsimiinneranni Inatsisartut imm. 45 Naalakkersuisunit saqqummiunneqartoq oqaluuserivaat. Aalajangigassatut siunnersuummi tassani angallannikkut politik-imut tunngasut assigiinngitsut sammeneqarput, ilaatigut Nuup Ilulissallu kommuniini mittarfiit tallineqarsinnaanissaat

eqqartorneqarluni. Aalajangigassamik saqqummiussinerminni Naalackersuisut ilaatigut Naalackersuisut 2008-mi upernaakkut atatsimiinnissami Ilulissani mittarfiup eqqaatigut nutaamik 1.799 meter-imik takitigisumik mittarfiliortoqasinnaanissaa, kiisalu Nuummi mittarfiup pioreersup 1.799 meter-inut, periarfissatullu allatut 2.200 meter-imut talineqarsinnaanissaa Inatsisartunit akuerineqarnissaa kissaati-gaat. Tassunga atatillugu Inatsisartut Attaveqatigiinnermut Ineqarnermullu Ataatsimiititaliaata isumaliutissiissutaani Nuummi mittarfiup 2.200 meter-inngorlugu tallineqarnissaa siunniunneqarpoq, tassani ataatsimiititaliami amerlarnersuteqartunit tapersorsorneqartoq isumaliutissiissummi oqaatigimmassuk

Naalackersuisut qinnuigissaavakka ullut suliffiit qulit qaangiutsinnagit akissuteqaqqullugit.